

甯津縣志

140.155

39

部8.5

甯津縣志卷八

光緒二十六年重修

人物志上

按晉書咸康七年實編戶正土斷白籍土斷者以土著之人爲斷白籍者本縣所編之籍可知土著之人皆憑本縣之籍甯津雖自戰國至漢皆爲臨樂邑且以建侯其南爲重平亦建侯然至東漢建武中臨樂乃省入南皮重平亦廢併入高是兩漢時縣人無本籍矣及曹魏復置新樂而孝昌中又裁以置重平東魏雖置胡蘇而高齊乃並重平胡蘇俱廢是魏晉北朝時縣人無本籍矣及隋復置胡蘇縣歷唐天寶改名臨津而至宋熙甯初又以臨津省入南皮是唐宋時縣人無本籍矣此正如魏書地形志云往時編戶全無追訪者也又况前明靖難一舉千里無煙故今所稱爲土籍者多爲明初所遷云志人物

仕績

漢

雋不疑字曼倩勃海人治春秋爲郡文學進退必以禮名聞州郡武帝末暴勝之爲直指使者衣繡衣持斧逐捕盜賊威振州郡聞不疑賢至勃海遣吏請與相見不疑冠進賢冠帶櫛具劍佩環玦褒衣博帶盛服

至門上謁門下欲使解劍不疑曰劍者君子武備所以衛身不可解吏白勝之勝之開閣延請望見不疑容貌尊嚴衣冠甚偉乃躡履起迎登堂坐定不疑據地曰竊伏海瀕聞暴公子威名舊矣今乃承顏接詞凡爲吏太剛則折太柔則廢威行施之以恩然後樹功揚名永終天祿勝之敬納且問當世所施行門下諸從事皆州郡選吏相與側聽莫不驚駭至昏夜罷去勝之遂表薦不疑拜爲青州刺史久之武帝崩昭帝卽位而齊孝王孫劉澤交結郡國豪傑謀反欲先殺青州刺史不疑發覺收捕皆伏其辜擢爲京兆尹

甯津縣志

卷八

人物志上

仕績

二

賜錢百萬每行縣錄囚徒還其母輒問不疑有無平反平反多母喜笑飲食或無所出母輒怒爲之不食故不疑爲吏嚴而不殘始元五年有一男子乘黃犢車建黃旒衣黃襜褕著黃帽詣北闕自謂衛太子公車以聞詔使公卿將軍中二千石雜識視長安中吏民聚觀者數萬人右將軍勒兵闕下以備非常丞相御史中二千石至者立莫敢發言不疑最後到叱從吏收縛或曰是非未可知且安之不疑曰諸君何患於衛太子昔蒯瞶違命出奔輒拒而不納春秋是之衛太子得罪先帝亡不卽死今來自詣此罪人也遂

送詔獄漢書窮治乃本夏陽人姓名方遂或云姓張

名延年居湖以下筮為事有故太子舍人常從之卜

謂曰子狀貌甚似衛太子乃詐稱詣闕廷尉召其鄉

里識之遂腰斬荀悅漢紀天子與大將霍光嘉之曰公卿

大臣當用明經術者由是名重朝廷在位者皆自以

為不及也光欲以女妻之不疑固辭不肯當久之以

病免終於家後趙廣漢為京兆尹自言不及不疑遠

甚漢書

甯津為漢臨樂縣至光武省入南皮凡百六十餘年故縣人皆隸南皮籍如雋不疑實甯津人其墓現在大柳鎮猶有雋姓其裔也若此外無冢可誌者不知湮沒幾許矣

甯津縣志

卷八

人物志上 仕績

三

元

安汝明甯津人延祐中尹定遠興利除害三年土闢戶

增賦均盜息民咸德之安徽通志

明

張廉字清之剛介有守永樂初授戶部主事改知歸州

有豪黠猛虎為人害前守不能禁廉至即捕黠惡者

正其罪禱於神獲虎殺之招撫流移戶版日增州以

大治上官交章薦之擢知大理府仍署歸州事比秩

滿徑歸不復仕歸州人懷其德共祠祀之河間府志又崇

祀鄉賢祠

劉貴洪武四年充儀衛司校尉永樂初以扈駕功陞武
畧將軍彭城衛中所副千戶二年予世襲三年改常
山中護衛貴卒子浩襲職調羽林前衛中所正統九
年征熱水川殺賊有功陞正千戶浩孫瑄成化間累
功授羽林左衛右所家乘節略

都勝甯津人襲職南京羽林左衛指揮僉事成化初擢
署都指揮僉事備倭揚州擊敗鹽徒爲亂者尹旻等
舉勝將才乃命充參將協同漕運陝西大饑奉詔輸
米百萬石往賑之遷署都指揮使充總兵官代張信
總督漕運宏治中以都督僉事帶俸南京前府勝居

甯津縣志

卷八

人物志上

仕績

四

官廉靜歷任五十七年所處皆膏腴地而自奉簡淡
日食止豆腐時因以爲號云明史

趙琪字廷玉本之子成化十六年貢任北城兵馬奉職
匪懈坊市肅清陞重慶府通判在任三年有能聲以
年老致仕民思之舊志下同

王錦字尙綱簡之孫宏治八年貢初授蓋屋縣訓導啟
廸不倦以恩義結諸士子有學行者待之尤加嘗捐
俸給貧生一時多所成就人以爲有蘇湖風丁外艱
歸起復授齊河訓導一以教蓋屋者施之齊河稱言
行端而善教者必曰王先生云署齊河縣事縣爲藩

省衝劇旣受檄振厲風裁吏畏民懷上官嘉之陞樂平教諭便道歸謁遂不復出教子坪以義方爲訓其後嗣顯榮爲邑望族人謂善教啟之也

尙堂字來瞻正德丁卯科舉人歷任太原彰德府推官陞蘇州府通判蘇爲東南大郡賦稅甲天下農田水利郡政攸先堂始至訪民利弊而興除之政聲大著上官交章薦云一廉如水剖決如流將大用竟卒於官囊空至不能喪郡僚相與捐助其事始就歷任十餘年無異寒士眞廉吏也

侯爵字廷臣正德五年貢力學行善教人尤長於詩賦授郊縣縣丞性清介人不敢干以私署縣事三月上官以催科不力劾之遂解官歸民歎曰三月居官一朝謝政居家惟治農賦詩教子而已子孫多所成立

郭聰字上達正德七年貢性敏好學家貧淡如也動必循理人以郭循理呼之授金鄉訓導與士子恩義兼盡丁外艱起復補延安訓導口口事一一就緒上官薦以學裕教優才通政事生員孫景學等繪像日瞻拜之陞葭州學正口口州事綽有賢聲除豪橫革支應買棺葬生員劉儀捐俸助貧生不能娶者尤多尋陞成山衛教授後卒於官歷任二十餘年家道蕭然

崇祀鄉賢祠

潘剛錦衣衛百戶以總旗獲妖言陞職

路雲字時望嘉靖五年貢資性狷介儀容端雅嗜學勤
教出其門者甚眾初授長州縣丞廉正自持職務脩
舉累膺獎勵不幸卒於官貧不能殮吳人推居官清
慎者以公為第一云

苑侃字德剛嘉靖七年貢儀貌峻整學問優長歷在辰
溪環縣馬邑知縣所至以嚴明著廉儉自持歸家至
不能贍其終云

王良貴字少思嘉靖二十六年進士雍正志除戶部主事

甯津縣志

卷八

人物志上 仕績

六

進郎中督通州倉場值兵變而權要苛督人皆自危
良貴從容籌畫眾賴以安出知平陽府通變宜民著
籌邊八議課屬十事遷霸州兵備副使忤當道罷歸
良貴資性峭直辨義利甚嚴一塵不染而博學能文
甯津之有邑志實其遺稿也崇祀鄉賢祠

通志參舊志

張一通字汝達廉之元孫明嘉靖乙丑進士歷知章邱
陽信輝縣事賢聲屢著薦贖交揚萬歷初陞工部營
繕司主事歷本司郎中七年顯陵祿恩殿等處俱各
滲漏金柱朽壞牆垣傾圮上命一通會同撫按三司
等官估計修理擇日興工其司府州縣官員悉聽差

委一通受命之後殫思區畫務使造作如法財無虛費甚稱上旨旋陞南陽府知府政平訟理吏畏民懷卓有循良之譽十二年晉陝西苑馬寺少卿兼按察司僉事敕令駐劄靖遠衛整飭兵糧道事務就近修舉馬政兼理兵糧分管安令會甯二縣并永安靖遠平灘打刺乾鹽亂馬川迭烈遜分水嶺口口吉等九堡衛所及屯塞無事則清肅倉場糾察官邪督繕邊堡修整器械有警則督催參守先事斂備相機堵遏期圖保障並管靖遠衛屯田事務嚴督各掌印管屯等官著實整理一通受茲兼任持廉奉法正已率下

甯津縣志

卷八

人物志上

仕績

七

使田野開闢屯糧充足兵備修舉地方安靜絕無因循怠忽有負委任其一生功績卓著於前代矣

舊志下同

尙回津字援溺歲貢任輝縣知縣存心寬厚蒞政廉明民思其德立像與邑侯劉公並祀

臧太初天啟舉人初任安徽天長知縣繼知湖北應城縣恩德及民懷思不忘應城百姓立祠祀之

家乘節略

國朝

尙昂字雲淩順治拔貢任江南常州府武進縣知縣實心爲政邑之父老子弟咸思其德莫不詠歌以誌厥成因刊蘭陵治譜傳行於世

舊志

呂八音字偕倫康熙初由武舉任懷來守備蒙拜將軍
薦隨至廣東參謀幕府及粵藩謀逆堅閉城門逼撫
軍提督降八音時已戒嚴乃殺門卒數十斫鑰開門
保撫軍提督出而藩兵追至八音殿後力卻之護全
軍過梅嶺並復吉安陞福建後鎮中軍游擊轉撫標
左營游擊臺灣之平也金門廈門屢有戰功陞督標
後營參將旋陞廣西思恩府副將累遷直隸三屯營
副將尋鎮守石匣又陞山東總兵官都督同知未蒞
任而卒其弟九成以左都督管副總兵事鎮守湖廣
衡州等處子黃鐘以左都督管游擊事鎮守福建同

甯津縣志

卷八

人物志上 仕績

八

安等處皆英標偉略擅絕一時棠棣聯翩橋梓接武
功名垂於竹帛矣

墓表節略

趙中忱字子真乾隆元年丙辰舉於鄉遭父喪哀毀骨
立水漿不入口母武孺人誡之乃節哀進米一溢弟
中禮乾隆十二年舉人兄弟怡怡友愛甚篤弟邁疾
歿中忱痛惜之絕意功名伯兄力勸之始赴部投供
旋授江西南昌府奉新令赴任吏胥以書生易之及
臨政精明嚴肅一詰皆中其情乃相警畏舞文枉法
之弊遂絕奉邑舊多文學士下車後重修義學時召
諸生示以行己讀書之要文學益振且以安民之道

弭盜爲先設法攘除宵小屏跡終以不能事上官解印綬去奉人遮留不得口占有云邑人卧轍不得請行李一肩發江城亦可想見其概矣

家乘節略下同

趙鏞字文穎乾隆乙酉拔貢任清河縣教諭時年饑襄邑宰開倉救饑釐剔中飽嚴禁偷漏弊絕風清飢民實惠均霑閭邑頌之邑宰重其才擬保舉知縣以不勝煩劇辭任教職二十年嘉慶乙亥冬以年老致仕

同籍

蘇廷瑞字班侯號梅崑父坻乾隆丁卯副榜早卒事母孝家雖貧甘旨無缺後得祿以養母尋卒每逢奠拜

甯津縣志

卷八

人物志上 仕績

九

泣下如雨篤於同胞待親族故舊尤存厚道登賢書後累試南宮不第以舌耕爲業從之遊者必訓以無趨捷徑無驚聲華苦心孤詣自能有成方需次時窘甚人有以他途諷者廷瑞笑曰窮字送古來多少英雄古人能耐我不能耐乎未幾司鐸安肅丁內艱起復後歷署平山無極新安完縣等處授冀州學正凡其所至士爭親炙其門當任安肅時以軍功見知於制憲加一級時川匪未靖 上發吉林兵往征兵經縣界奉憲札壓兵車出疆有悍卒攜一民婦去廷瑞聞之立遣人策馬追還將卒交本官治罪其剛果

如此適大水至見民蕩析離居惻然憫之面稟制憲
先籌急賑然後奏聞全活無數民相與歌曰飢而
生遇蘇公死又活如我佛口碑載道不獨以造就人
才顯也晚年退居林下時時以勵品節務實學勸子
孫輩各有成就壽八十有二無病而終所批有四書
講義著有詩集文鈔藏於家

吳名鳳字竹庵乾隆五十七年舉人歷官江西奉新都
昌東鄉德化知縣升饒州府景德鎮同知歷攝饒州
九江瑞州撫州南康知府道光二十六年致仕歸咸
豐二年重宴鹿鳴四年卒年八十八名鳳性孝友歷

甯津縣志

卷八

人物志上 仕績

十

官清勤善聽斷座右置牌爲記案無一牘留嚴緝會
匪毀淫祠數十江西人呼吳青天爲演傳奇詞頌之
在東鄉以實學教士建書院會龍岡麓在德化桑落
鄉有圍隄隄外歲患水人爭相訟名鳳建外圩患遂
息人呼吳公隄江路險多覆溺患創積善堂於大姑
塘置救生數船並瘞旅會皆捐俸爲之在景德鎮多
火災設水龍局捍其患奉檄修豐城雷公腦石二築
建昌四十八圩人建生祠以祀安仁民變當事擬加
兵名鳳單騎諭散之常曰兵刑所以濟政教之窮非
大不獲已慎勿輕用也名鳳工文章篆隸博覽喜考

據之學解組歸里著禹貢解至導河節喟然以前儒說九河者多未詳確因證據傳志勘察地形作又北播爲九河同爲逆河入於海二說人服其精審著有古本大學解四卷論語解二十卷讀易解十二卷禹貢解四卷洪範解四卷此君園文集三十卷此君園詩存二卷學詩臆說一卷竹庵詩鈔四卷詠史百篇二卷此君園文集續鈔竹庵詩鈔續集各若干卷同

治十三年入祀鄉賢祠

通志列傳

吳濬源字惺堂鄉賢名鳳長子也歲貢生金臺書院肄業復入國子監南學肄業道光十五年遵例補大理

甯津縣志

卷八

人物志上

仕績

十一

寺評事勤慎供職大理寺卿郭尙先稱之曰循吏之子大有家風手自書畫以贈數年之間閱歷案件鈔帙盈尺會博迪蘇爲大理卿與刑部奏案意見不合議駁合諸司官條陳濬源凡擬三稿奏上

硃批

准一博以是甚器重之特保京察一等二十三年選江甯府督糧同知時李星沅爲兩江總督與英國已議通商次年英人遂激洋輪直抵金陵登岸定約且請石帥至彼輪船飲宴制軍欲不往恐彼謂我怯懦往又慮彼別有挾求故於所屬特選練達者四人爲隨員濬源居一乃溯江以赴宴英人望見我舟悉升

桅盤排空遙接至則宴制軍於中艙而宴隨員於前
艙且引眾周視其機輪砲火諸制以示誠信卒盡禮
而還二十六年為江淮徐揚總運府居常念親老遂
於二十九年告終養回籍及親歿後惟以課孫教稼
為事同治六年卒年八十二

家乘節略下同

崔學海字百川嘉慶己卯舉人大挑一等籤分廣東授
鎮平知縣為官勤慎政尚寬和每用箠楚輒愀然不
安清廉自勵人以為有吳隱之之風邑人賦詩頌之
名為蕉陽掄頌集

蕉陽鎮平古地名

陞署綏徭同知欽州知

州

甯津縣志

卷八

人物志上

仕績

三

曹大元字墨樵道光乙未舉人歷署天津縣威縣教諭
後任香河縣訓導值歲大饑大元倡勸放粟賑濟全
活無數香邑士民以澤被羣生頌之同治九年有梟
匪王士林等千餘人侵掠香邑大元與邑侯募集勇
丁守城禦賊聞匪首常與眾散處攜妓飲酒大元設
計遣城中妓者十餘人散在鄉村餌之一日偵知士
林與李妓縱飲遂率銳士拿獲餘匪逃散事聞蒙
欽加五品銜後以年老回籍終於家

劉清華字仲實由增生中式副榜以教習知縣分發江
西到省署萍鄉縣事時有稱萍邑山地可開鑛者詣

鑛山勘驗廬舍墳墓殆徧紳民籲懇遂謁上憲歷陳情形事獲中止湖南北飢民數千糾同挖煤匪徒搶劫村鎮立將倡首者懲治資送飢民就食他方紳民德之咸豐元年署靖安縣事時靖邑缺鹽間有藉鹽滋事者嚴加整頓胥就安帖又值凶荒將所收漕米減價分售飢民稱便又有逃兵千餘人過靖欲行劫掠善爲拊循每人酌給大錢一千受傷者倍之遣散出境民賴以安四年五月賊匪數千竄入靖境率勵兵勇擊退之復越境追勦連破賊寨斬獲甚眾並獲僞司馬夏令粹等十一人解省正法蒙保遇缺卽補

甯津縣志

卷八

人物志上 仕績

三

賞加知州銜任靖邑五年以孤城與賊相持者三年帶義勇與賊接戰者凡數十次卸篆後邑人爲建生祠抵玉山任兵燹之後商民交困招聚流亡籌辦團防人心稍定及賊圍廣信逼近玉邑人情洶洶一日數驚城內居民逃亡署中募友亦且遠避遂躬自辦理軍需應接差務並往來書札緊要公文皆出一手時饒鎮憲駐常山防堵上稟鎮憲陳遠防不如近勦之利饒然其策遂進軍連戰皆捷廣信圍解八年補授德化縣未赴任因歷年防勦與廣信解圍功保升知府累加道銜署南康府事旋改山東因河工出力

保加鹽運使銜光緒元年歷署沂州府泰安府事終
於任年七十有三

龐際雲字省三幼具異稟聰穎絕倫九歲能背誦五經
年十三入邑庠學使器重之其父君錫應歲試列優
等學使進諭之曰汝子當成大器勿求近效須於經
書根柢中求之道光二十三年舉於鄉咸豐二年成
進士選庶常旋改刑部主事精明強幹爲柏靜濤及
曾文正公所倚重文正督師皖省際雲以京員參贊
軍事文正留辦營務每出奇策以定大功金陵克復
奏留江蘇保花翎委綜理善後局務署江甯鹽巡道

甯津縣志

卷八

人物志上

仕績

齒

乙丑授實任時餘東商竈爲爭草蕩相持久不決幾
成巨案際雲剖判明允兩造僉服並清丈其地商民
德之己巳署兩淮鹽運使直東肅清案內加按察使
銜復於安瀾案內加二品頂戴丙子充江南文闈提
調戊寅授淮揚海道值運河伏汎盛漲水至七尺應
啟閘際雲念裏下河爲出米之區若一宣洩則稻田
漂沒堅持十餘日俟早稻登場中稻半穫始行啟閘
時水已漲至丈餘矣使西風作水必潰患且莫測幸
肫肫愛民邀天眷也光緒六年遷湖北按察使際雲
曰獄爲民命攸關傳一人則合家震恐延一日則生

意消亡稟陳大府創立清理積案局舊牘一空遇有疑獄悉心研鞫多所平反在任一年結案九千餘起七年陞湖南布政使時湘中米短價昂民情惶惑又值湘軍凱撤散練絡繹勢甚急調輯鎮撫卒就安謐十年奉命署湖南巡撫適閩越海氛不靖湘省援師四出籌兵治餉皆中肯綮撫署向有緝私經費萬餘金皆入私橐公奏請提出充公用蒙 溫旨褒獎着各省大吏則倣以連年籌解西餉功賞給頭品頂戴並給頭品封典旋調雲南藩司 命下知交皆代爲之危以滇省西毗緬甸南界交址強鄰環

甯津縣志

卷八

人物志上

仕績

五

何時事難爲不如告假際雲毅然曰受恩深重敢辭難乎解任赴都蒙 召見二次獎勵有加 御

賞克食及抵滇任廉得銅務庫欸積弊殊深力除中飽潛弭外患地方賴以安靜以積勞成疾終於任所際雲服官中外四十餘年剛正不阿尤留心於人材每接見僚屬以言動窺其心術高萬鵬李有芬皆材德備著獨能識拔之臨湘合徐邦光有惠政歿於官親臨其喪採其政績詳請入告際雲好讀書爲文公暇輒以古今義蘊生平感觸發之於文著有十五芝山房文集藏於家

劉書畬字肅堂咸豐九年由監生報捐知縣需次江西
十一年委署德安縣事蒞任後公事勤敏荏苒苻悉靖
卸篆時送者塞途同治三年委署石城縣事土匪肆
行搶劫乃練丁勇於要害處防禦卒能化險爲夷旋
接奉部咨準補石城縣缺以丁憂回籍服闋後仍歸
江西十三年委署蓮花廳同知壤接閩越號稱難治
時有白蓮教煽惑人心書畬訪查明確親帶兵勇拿
獲逆首十餘人立置重典餘黨解散事聞蒙 欽
加運同銜嗣又丁艱起復後仍理石城甫入邑境父
老迎謁於途者不絕

甯津縣志

卷八

人物志上

仕績

六

張若陽字辛齊附貢生由助餉僧親王營議叙訓導嗣
因軍功勞績改官知縣任山西五寨甫下車詢知地
方情形山麓深密羣盜出沒其中名曰鞭杆手鄉人
苦之乃清查保甲嚴飭捕務獲賊首七人間閭遂安
邑北山岔堡往來孔道官差至供役驟頭胥吏依法
爲奸苛派擾民遂設立驟櫃擇公正紳耆董之民以
爲便有河頭村據山跨河夏秋間山水驟下漂沒廬
舍捐廉數百金繞村築隄水得入河不爲患民藉以
溉田益獲其利楊防口有翟姓某愚氓無知誦經卷
惑禍福鄰村王某與有隙以教匪詣府控告太守派

員帶隊緝捕幾成大獄當府兵未至若陽微服密訪廉得其情知非白蓮教餘黨遂據情稟覆力白其誣翟賴以免中丞以饗粟花有防民食飭令禁止時當五月花已長成命鄉民急於收割再行出示曉諭以警將來人咸頌寬猛相濟焉光緒丁丑歲大旱步行赴蘆芽山祈禱山距城十數里不憚勞瘁遂渥沛甘霖二麥皆登秋稼大熟咸以爲至誠感神云

王景呂字海濱有膽略同治初由軍功六品歸天津鎮標効力候補營千總尋署城守營頭司把總旋出師奉省殺賊出力賞戴藍翎凱撤回津署右營千總並

甯津縣志

卷八

人物志上

任績

七

駐防圍牆同治七年擒匪竄擾津郡晝夜巡防出力賞換五品頂戴光緒六年授四黨口營青縣汛千總嘗拿獲巨賊爲民鋤害青邑紳民以除暴安良頌其功焉

李鏞字金齋由監生報捐知縣任河南孟津歷署輝縣太康等處輝縣值山水陡發滄斃居民若干乃先捐廉散給災黎然後稟請籌賑民患以紓孟津地近鄭州鄭州河決數省通衢爲黃水阻格一切差務悉移孟津渡口凡所支應皆捐廉營辦一載有餘並未派民分文奉札辦運鄭工稽料所僱車船恐限以官價

迫民所難稟明上憲以民價僱覓縣民與差徭者得
以不苦河工告蕨保陞在任候補直隸州知州並
賞戴花翎撫憲札飭民間廣種湖州蠶桑並飭縣先
墊價銀赴局代領桑栽發給閭閻令民領栽一株各
還價銀若干鑣防書差借端私索分給之後諭令罷
償民皆忭舞每遇鄉試寒峻無力觀光者皆捐給資
斧士民感之爲立德政碑回籍後家計益窘其兩袖
清風概可想見矣

忠節

國朝

劉西園字爽庭道光甲辰舉人咸豐三年以知縣揀發安徽引見後赴皖省奉經略袁札委赴壽州正陽關辦理糧臺兼查收鹽課四年委署南陵縣事七年接署涇縣知縣入年卸篆旋在甯國府奉顏太守札委辦理糧臺兼辦團練八月間逆匪突至並委率眾禦賊遂領團勇數百人進勦勝之殺賊三百餘賊大股繼至寡不敵眾陣敗被執罵賊不屈於是月十二日在甯國府南門外被害其父尋其尸亦遇難事詳

甯津縣志

卷八

人物志上

忠節

九

平定粵匪紀略子之驥早亡孫清泉於光緒三年十月蒙部議給雲騎尉世職次完時給予恩騎尉世襲

罔替通志參探訪冊

張鳳春道光辛丑科傳臚授三等待衛差滿授湖北提標都司在隨州有功賞戴花翎陞鄖陽營游擊因病開缺病痊投効神機營委帶護軍同治七年派赴南路防勦戰功卓著後在博野縣禦賊接仗力竭陣亡事聞給予世襲雲騎尉

遇難附

明

蘇萬強 國朝鄉賢蘇騰鳳之曾祖正德壬申流賊重
犯縣境萬強率壯者持挺禦賊斃數賊力鬪而死

國朝

盧萬足壯士也明季土賊蠶起及我 朝定鼎之初猶

未安靖萬足率義勇禦之縣境賴以安堵後因逐賊

至邑城南門外中流矢而死

採訪冊

右順治初遇土匪難

文生王觀國為人剛正其書法亦饒剛勁氣設帳於亭

羅寨梟匪宋景思擾縣內賊衆突入其館論以理不

聽觀國叱之賊劫之以威觀國持械奮力擊賊賊殺

甯津縣志

卷八

人物志上

遇難

三

之瀕死罵不絕聲

採訪冊

右同治二年遇宋匪難

王立德耿科先陳九川李貴田同戰死東光朱家莊

通志

右同治六年遇流寇難

武舉張玉魁

羅張莊

于化龍文生于湘浦

于斗子莊

布政司理

問劉津鏞

符莊

郎中周瀚源從九品周壽三

長灣店

王叢

林

王庭府莊

崔現琳

崔莊

文生崔耀廷崔漢街

崔莊

周登瀛

長灣

店李瞻淇

魏莊

劉東魯

相衙鎮

當捻匪擾亂在本境禦賊

陣亡均予世襲雲騎尉

太學生單鈺

城後

率團衆擊賊與陳扶魁孫尙金曲長清

張繼安趙殿香滕保祥滕瑞祥坊市翟戍陳初禮陳

福臻陳開嶺陳開喜翟蓋德香蓋廷語蓋時美含時

身誠時家盛萬香盛長福盛長春孫斐然劉樂山劉

希有王文亮劉孝宗侯瀛奎等奮力抗禦力竭而死

邑人痛之為建義勇祠以祀焉

榮績程大柳鎮候選縣丞為團練長捻匪入境率勇禦賊

被賊洞刺身無完膚同被害者殷文隄榮殿臣崔煥

章侯仁孫文全孫文閣楊寶德侯智張鴻禧榮翠王

雪均大柳鎮鄭立貴宋文清鄭王在朝河抱共十五人

謝文斌同治七年捻匪張逆入境文斌練義勇戰死同

甯津縣志

卷八

人物志上 遇難

三

時徇難者又有宋光度王祺源河溝張金聲雙確劉

殿臣張匾井蘭清明宋普李泮池新王太普張登第

張萬法張小于宗臣河抱張香小郭楊嘉貞董長清

董家馮升殷夏邢楊清源楊才貴楊家鄭殿平鄭黃

秉封楊春林尹桂林沙河董家吳事成吳中清徐朝元翟

鳳德王心同趙清廉崔福成張慎言王景雲崔蔭堂

陳旅順王雲祥共三十五人通志

文生趙培源張鳳吳耀俊高載道罵賊遇害探訪冊

太學生蒙光德蒙家性忠誠總兵周屯兵本村使率村

民保護糧餉賊突至遇害時年七十九

張平進窪劉家莊性忠直貌魁偉賊欲降之張大罵賊刺之

張奪其槍與戰連斃四五人賊大奇之又誘之降終

不從賊合圍攻之被殺後有人夜經其地恍聞罵賊

之聲

文生張書訓張太監莊被賊執欲殺之子乞代父死賊不聽

父子同時遇害

楊登魁養官馬莊其幼弟登山為賊所執魁曰請殺我我老

矣無能為也吾弟幼請留之賊不聽登魁大罵之兄

弟俱被殺

武生安嶽雲王家坊從九品陳處義翟莊率鄉團擊賊被害

甯津縣志

卷八

人物志上 遇難

三

文童王發礪王廷府莊率團勇拒賊敗退升屋持磚擊賊中

額賊環攻之用長矛鉤下刺死賊去鄉人瘞之面目

不能認識懷中突起若有物然取視之包裹數重乃

其先人神主也

劉祥仇家莊性至孝保護繼母執械與賊鬪而死

楊東升楊家大莊精武藝賊執其弟東良去東升持槍連刺

四賊救其弟回寨賊眾自後來追東升拒之力不敵

而死東良賴以免

武生劉鳴閣太學生劉祥麟民人劉福貴為鄉團長四

月十九日禦賊戰敗與劉泮劉書岩劉書亭潘長慶

等店西三十餘人俱死

崔函三精刀法與崔景福崔義成均安州寨率眾擊賊景福

義成首先被殺函三身帶重傷手自刃賊六七人救其兄回寨旋因傷重嘔血死每歲四月二十日鄉里共祀三人

張成文王馬店與張之江率其鄉人拒賊殺賊八十餘人

傷其渠魁二名賊黨大至之江身被七劍死而復甦張成文張成祿張福田張殿有張世聰張寒張正張世明張成章張成令張殿升張德堂張世香張升張兩張世長翟成憲翟成智翟成順李酬李華成趙福

甯津縣志

卷八

人物志上

遇難

三

臨等戰沒

文生李鍾靈率鄉團禦賊陣亡李存志李德修董十月

李存久趙文淵王廷翰俱李家鎮同時遇害

劉玉堂甫六歲賊殺其母頓足罵之被害

劉財茂姜貢士莊侯億正楊鐵匠莊王獻廷傅家集楊叔銓大柳鎮苑

連學小苑莊傅維賢傅家廟邢聽箴邢家莊罵賊而死

尙世秩尙藝林尙家集年俱七十餘賊入其家祠毀傷神

主罵賊被殺文童張良緒太平店率鄉團禦賊亦亡

王天貞編席楊家率村眾禦賊力竭被害同接仗者王天純

王希禹王來義王洛三劉得義張永清李克明回孟

貞趙書堂等均於五月二十七日戰沒

黃文元婁連元黃文選唐盛黃家莊張立誠張文林張秀

林張寶林張東海河抱張莊耿允紀耿莊耿殿魁耿方池耿

風雲耿允正劉鳴皋張耀廷耿彭年耿莊劉永燾馬景

春司方趙清廉化中儀劉甘棠司雲貴化文貞李法

儀魏向榮司建楊洛三李法才劉福來司鳴河司運

來馬萬輝王現榮康義司朋來王長庚司智來劉押

司鳳池俱柴胡店禦賊戰死

孫杏林孫泮林孔家房劉長吉劉之駮丁芹劉廷獻莊張掄元

羅張家莊李九安李九州小王家莊吳發祥郭相家莊魏振彬魏鳴

甯津縣志

卷八

人物志上

遇難

西

山袁學業王可宗王可常後魏家莊陳從周陳家莊李參後李

莊李振泰耿家圈尙保泰尙家集劉藍玉老鴉林楊之華老楊

頭王良弼王華言王萬甯王有鄰王大元王杼王家

楨王復周王思聖王九河王中庸王表寔莊時玉林王秉

成張雲張朝懷王庭蘭張鳳鳴太平店時福善時君林

時逢治時輝峯時煥臣時家莊張連浮張家道口鄭希孟筐楊

家劉士敬劉瑞圖桃園劉家莊黃秉元黃莊劉鳳占劉易占劉言

莊尹桂林楊春齡沙河董莊滕萬福坊市里郭良郭家園楊永

傳詹莊李錫田李懷起李連庸李胡莊均被賊害

右同治七年遇捻匪難

孝友

明

王通宣德初時人也事母至孝母病思鵝炙求之不得忽自謂人肝似鵝因取刀剖腹欲探肝炙之痛昏而仆恍惚聞人語遂甦而肝在焉乃令其妹炙以進母母病遂愈通亦竟無恙有司奏請旌其門曰孝子

府志參
縣志

劉獻遷善鄉人性質朴奉親孝母門氏沒號慟幾絕者數日既葬廬墓側朝夕哭奠負土成墳高二丈植樹成林歷三年如一日遠近以孝行稱府佐吳公賜粟

甯津縣志

卷八

人物志上

孝友

五

獎之通志參
舊志

潘泰坊市人性剛直事親孝處兄弟友愛及長各求分財異居泰不能止凡田廬器物悉讓於兄弟後以勤儉自持以致殷富德聞有司鄉飲賓之嘉靖元年有詔褒嘉焉舊志

撒金遷善鄉人嘗割股療親疾時以割股著聞者有河間人榮天祿吳橋人李宏河間衛人李瀛東光人回滿住惟回滿住獲旌焉縣令程昌裕以其不可訓特存其名而削其事府志參
舊志

耿純思恭之孫翽之子也生平以義自勉孝行尤篤父

歿哀毀特甚既葬廬墓側捧土成墳有白兔馴擾遠近咸以孝子稱宏治二年大尹奚公綬下車之初首詢孝子順孫或以純對奚公極稱羨焉

採訪冊

國朝

王昌猷字旂公太學生年方穉幼至性過人父獻典康熙初署廣西奉議州判卒於任所時昌猷在籍甫數齡諸兄患疾不能旋柩及昌猷稍長詢其巔末遽痛哭流涕者不已母誡之曰汝父靈柩未返倘哀毀傷生爲罪大矣乃收淚聽命未及弱冠而旋柩志決道路險遠瘴氣重深單車邁征視險若夷迨扶觀歸里

甯津縣志

卷八

人物志上

孝友

三

從行者已病卒數人

誄文節略

榮應旂字爾玉優貢生性甚仁孝友於兄弟雍睦成風

詳見家傳

康熙二十年學使錢親書敦行不怠四字賜之

儒學王以和樂且耽邑侯馬以醕德可風額其門

趙夢瑞字贊廷康熙辛丑進士趙笏之父生十歲而孤長以武力試於學爲諸生事母得其歡心邑侯張賜孝行可風匾額諸昆弟之貧者各贍給之鄉里有婚喪不能自舉者代爲經紀以成之見津梁劇道補敝修舊人利其便歲饑夢瑞方病猶強起令爲食於門以待餓者且屬其子曰我死則必無廢斯舉也既歿

安溪李文貞公銘其墓焉

宋賓王歲貢生幼時孝於所生及長父歿盡禮盡哀事母倍極色養母性嚴稍弗懌輒加杖撻賓王笑承之亦時作小兒啼以娛其親乾隆十六年奉 旌建坊

入祠府志

蘇得福字九五庠生候選州同幼歧巋母卒居喪秉禮如成人事繼母以孝聞體父母意愛幼弟特甚弟補縣學生時攜之拜父祠下淚涔涔然痛先人不及見也羣從失業者割產贍之姊妹家貧者周恤特至歿則力任喪葬且爲撫立其遺孤古所稱孝友睦嫻任

甯津縣志

卷八

人物志上

孝友

七

恤者公蓋兼之矣歿後紀文達爲撰墓誌焉

節略

王運泰字際昌廩膳生少時逮事大父母大父疾久困牀褥運泰代父侍疾奉事周至大父歿母旋得瘵疾又侍病年餘勞瘁幾不勝喪嘉慶初 詔舉孝廉方正邑之紳耆咸欲以運泰應 詔聞之向衆堅辭以父衰老不敢稍離左右也旣而父疾醫治無效乃夜赴城隍神所祈以身代卒不起時運泰繼母患痰疾且失明勉強節哀不敢以毀滅性迨繼母告終一切喪葬咸盡禮法運泰學行純篤人皆欽仰誘掖後進成就者衆所著有太易集解論語遵註年七十有五

無疾而逝司鐸井時煊爲作廩博傳

本傳節略

楊伯鈺字礪軒咸豐戊午副榜伯鈺昆弟三人親在時因恒產無多隱爲中子少子慮親歿伯鈺遜產兩弟以課徒自給病篤囑其子曰孝弟仁讓爲人之本汝其識之乎遂卒

採訪冊下同

張見龍字應五道光乙酉拔貢品端學粹事親以孝聞侍母疾親嘗湯藥衣不解帶者月餘母沒父以年邁不再娶凡杖履寢饋皆親自檢點問安視膳數十年無間父歿哀毀骨立幾病苦次父以乾隆己酉舉於鄉見龍訓誨子孫俾各成名繼志述事克承先業領

甯津縣志

卷八

人物志上

孝友

三

鄉薦應拔萃者累世不絕且樂善好施捨棺木藥材以濟貧乏有稱貸者概不取償里中有爭訟事一言折服立與止息咸豐三年粵匪竄踞連鎮值糧臺支絀竭資助餉同治七年捻匪擾境甯津戒嚴鄉民避難入城閉門三日糧絕請諸邑令冒險歸里輓粟至城賴以安光緒三年歲大旱斯時家漸落無餘糧猶且糴米石分乾餼以救饑孳年八旬五世同堂歿之日鄉里無不泣下

邢友齊字夷行附貢生遭父喪夜不成寐卜葬後與弟庠生友三卧薪守墓至期始已且望重鄉鄰言論皆

服友齊在世無一訟者

高發雲幼失怙母子相依爲命母病偏枯不能起發雲在村傭工日三次至家奉養恐母愁鬱時述聞見以慰母心故臥病十餘年而神色和霽恒忘其苦母歿服闋始離鄉謀生去之先必將墓塗墜比其反也必祭告審視樵夫牧豎皆知爲高孝子家墓無有忍爲踐踏者

遲梅亭庠生秉性肥厚篤於同氣子一其弟子三謂弟曰姪猶子也姪窘而子裕吾弗安矣乃析產爲四合子姪各取一焉

甯津縣志

卷八

人物志上

孝友

完

于春華字實庵歲貢生奉事繼母儘有難言之隱而能處人所難卒使繼母稱孝人皆敬服弟早沒訓教諸姪情意懇然皆有成就

榮益山家清貧養其母常不給伺母睡乞食近村以助供養族人周之則受否則一介不取母沒鬻宅葬之守墓三月不知所終

徐玉楹字丹陛郡增生事繼母以孝聞婉容愉色常形於極難爲情之時玉楹卒貧不能葬人重其行醵錢葬之

張立屏字建侯父企會適塞外營生積久不返立屏歎

曰不得父之存沒音耗何可以爲人子廼祖父母老且病未敢遠離旣終遂出尋父經歷年餘始知病殂於平泉州負父骨骸而歸葬焉

董長祥幼喪父事母謹不敢少拂母意忍飢省費以盡孝養母寢疾手奉溺器三年不懈母病少差卽傭工以供湯藥母歿哀毀卒族黨莫不痛之

王俊父字舜臣同治歲貢生性情和平爲人長厚事親孝待其叔父甚善叔父兆元自析產後其業日削不能支持俊父復與合居奉養無缺兆元子年十餘歲俊父剖產畀之爲之定婚復慇懃成就使能樹立焉

甯津縣志

卷八

人物志上

孝友

三

張福榮字華庵事親孝親歿廬墓年餘鄉飲賓之

謝德潤字慎莊年十六失恃無何繼母亦卒事再繼母曲至乃兄弟又殂德潤一身且讀且耕尋入泮食餼與正貢焉其教人不規規於文藝之末必以立身爲本有處倫常之變者詔以至性感孚自轉禍爲福課讀之暇節錄古先正嘉言懿行顏曰身世準繩光緒初年 詔舉孝廉方正同人屬意德潤力辭之其議遂寢居親喪時葬祭必誠必信嫂與弟婦茹苦守節待之亦極優厚卒年六十五歲

義行

明

耿思恭敦樸力田積粟起家正統四年歲歉思恭推濟貧民全活百餘家時朝廷遣侍郎魏驥出視蝗旱驥清德素著聞思恭所為心甚重之明年復荒思恭慨然出粟千四百斛助官賑卹有司奏聞詔表其門曰尚義賜敕獎諭勞以羊酒復其家三年府志

苑江字岷山嘉靖庠生任山東平度州吏目嘗貰穀數百斛遇饑年慨然曰歲歉若此而督促以償非仁人長者之行也何愛數百斛穀不慰鄉人之心盡捐之

甯津縣志

卷八

人物志上

義行

三

庚子胞兄為賊所執以金數百贖兄歸卒免於難

墓志

節畧

國朝

戰維新字羣儒性倜儻高氣節嶽嶽然不趨時宜尤好施不倦故遠近親疏求者接踵於門後以迺孫宣力王家贈明威將軍子訥字近公武孝廉性慷慨能繼父志捐金成梁者數次置義學延名師故族中賴以成名者衆康熙甲申歲大饑為糜粥以待餓者塗有餓孍則施以棺木後以子貴贈明威將軍訥次子纘祖武庠生性至孝事王母惟謹或勸以進取喟然歎

曰安有重慈垂白而逐逐浮名者乎遂杜門不出惟
竭力以承堂上歡訥四子繼祖敦孝友尚信義磊落
有古人風訥五子續祖武庠生處鄉里排難解紛濟
貧周困皆不辭竭力爲之尤篤孝行侍母疾衣不解
帶者累日

墓誌
節略

趙笏字景汾康熙辛丑進士少師事安溪李文貞公與
景州魏廷珍同講席魏家貧甚一切束脩飲饌等費
俱出景汾手魏掇魏科登顯秩實景汾有以成其美
也著有闕疑集十五卷言志集詩稿五卷旣沒錢香
樹少宗伯銘其墓焉

甯津縣志

卷八

人物志上

義行

三

劉潘家道素豐性好施濟每冬作綿衣百餘件用米數
十石作粥以給貧乏無依者康熙十四年縣令程裕
昌嘉其素行額其門曰德服輿望

採訪冊
下同

劉之玉幼失怙母氏崔訓以義方勤儉持家積穀四百
餘石康熙六十一年壬寅歲大祲出穀米四十石賑
貸貧民嗣後又借二百餘石以補不足絕不計償邑
令甘額其門曰母賢子孝

曹長瑞字麟祥天性樸厚仗義好施乾隆季年阜城人
李殿鰲爲長瑞武塾飼馬長瑞見其氣概超羣遂收
爲門生教之弓馬技藝資送回籍應試邑人以微賤

繩之長瑞委曲成全始得應試入庠後復資助其肄業遂連捷武進士狀元及第仕至叅副將政績卓著長瑞亦中嘉慶庚申武舉候選衛千總咸謂義行食報云

遲國棻乾隆丁卯 恩貢生秉性忠厚好施與篤同宗族中有忠誠而無產者與之宅令衣食無患後疾終備衣衾棺木葬之又有才能足用者助以資本因起家焉乾隆五十七年旱人乏食里中多思外出者棻視倉中有穀三十餘石招乏食者至酌其家而與之人皆感激

白琳玉字琅璽家極饒裕輕財好施尤敬重師傅延請樂陵歲貢張節仁先生教子弟讀書多所成就感先生之善誘憐其貧無立錫以已所有樂陵地頃餘贈之先生遂家於此至今其後嗣猶有存者與白氏世敦情好白氏子孫讀書成名者累世不絕

李文質字知白太學生仗義疏財仁聲四播居村不名其舊咸稱爲李知白莊至今百數十年猶仍之其會孫廷英亦好善樂施嘗出錢百餘緡貸鄰劉某不責其償伊因貧攜婦孺遠出謀生廷英聞之驚曰彼無資斧何能出走遣人以錢若干米數斗追而與之劉

舉家感泣乾隆五十六七年連旱出粟以濟貧乏鄰
村老幼多來就食全活無算鄰有鬻田宅者荒年減
價大半憫其食用不足仍從豐歲價值鄉人甚德之
見有負歎國課荷校者憫之代爲完納開釋其孫及
曾元孫輩多有讀書成名者

周鐸字振聲附貢生待人仁厚樂引後進膏火不給者
每調之弟鋒武庠生慷慨好施有求立應閭里或起
爭端排難解紛莫不心說誠服而事以平季弟銳乾
隆乙酉武舉揀選衛千總以諸兄相繼殞謝不仕持
家節儉而宗族親友加意周恤歲饑流民旬食分給

甯津縣志

卷八

人物志上

義行

三

粥飯全活甚衆兄弟三人亦皆以孝行著聞鐸子太
學生廷杰銳子鹽大使廷璽各有父風焉

墓誌
節略

李憬字覺庵捐授州同知性孝友又好施與親友以急
告輒解囊無吝色亦無德容然賦性正直人有過不
避嫌怨面責之偶遇橫逆之來則又和顏忍受徐以
理喻使人自悟仍懽好如初鄉黨有爭訟者得君一
言而釋子碩齡字壽彭慷爽好義有父風嘗立義學
延名宿鄉人貧不能讀者召入館以時分給膏火所
成就甚衆於同里周濟困乏傾困廩不少吝惜兼出
貲財令各謀生賴以溫飽者十數家以此取重於鄉

黨焉

墓誌
節略

王介眉字鶴儕監生家素裕好施乾隆中年饑每日爲粥以待乞勺鄰村貧者皆就食焉性好學工書法人爭寶之縣令重其品誼手書德蔚堂匾額旌其門子德峻例貢生性揮霍亦好施疏財親朋請周者絡繹不絕至今父老猶稱述其事

採訪冊

龐朋字君錫以字行更字百朋少而篤行劬學事父母能得其歡心嗜宋儒程朱之說躬行不爲空論咸豐歲癸丑粵匪渡河北竄運河以西郡縣騷動朋建議阻運河而守可省勁兵數萬籌畫垂定會鄰邑爽約

甯津縣志

卷八

人物志上

義行

三

計以不行然甯津終恃以保全年七十六卒曾文正公爲撰墓誌銘

李琮字象坤候選州佐性孝喜施與道光間捐千金助國用何甲鬻妻償債琮出貲代償夫妻感泣咸豐四年粵匪踞連鎮捐金數百助軍餉募勇爲義團衛城池賊不敢犯年六十六卒

通志參
採訪冊

張希泰字安久武庠生輕財好施尤厚於親友德州張某希泰至戚也貧乏無以自存希泰畀之以田資其終身凡遇窶子每傾囊與之臨終乞丐來弔者甚衆皆涕泣不能起歿百有餘年養濟院猶樂道不置其

子文生金城有父風與舊年同學適遇於塗詢其近况窘甚邀至家周以錢粟並割地資給立將文契付之與弟干城善事繼母待弱妹優厚使無觖望深得繼母歡心忘其非已出也成就其弟於萬難之中卒使成名弟事之如嚴父終身敬憚之

採訪册下同

靳桂字湘南道光庚子舉人性慷慨教授生徒嘗感傷時事咸豐三年粵逆北犯人心騷動靳桂奉邑侯彭諭團練自固及賊據連鎮僧親王築圍困之桂率邑人助其役粵匪旣平流賊時起桂與五品銜孟聲揚文生劉青藜張惠洽六品軍功趙克忠等十數人部

甯津縣志

卷八

人物志上

義行

美

分團勇相機防禦規畫區處人皆稱善桂尋卒而孟聲揚等一遵約束固結不解八年遏土賊於北境使不敢南窺同治二年逐宋逆於景州復追之於德平六年擊流寇於東光七年禦擒匪於縣西又禦之於南東結陣以護難民奉札以應官軍一時好義者衆矣而文生宋麟祥六品銜孟相廷等專以守城著聞王兆鳳字鳴岐幼時其父爲聘吳橋縣姚氏兆鳳年甫十二姚姓女忽失明女之父恐以瞽爲累因請返幣兆鳳父以問兆鳳對曰彼女失明吾則棄之儻兒失明彼女能改字乎父感其言竟使兆鳳娶之後連舉

七子家道日盛兆鳳年八十一歲卒

李命長字佑之報捐同知秉性剛直見義必爲凡有義舉捐資爲衆倡族鄰有故以一言判其曲直衆莫不服附近數十年無公庭訟咸豐三年粵匪北竄僧忠親王駐扎連鎮命長運糧給軍縣令彭額其門又施種牛痘並給藥餌全活嬰兒無算公贈德孚衆望匾額同治七年捻匪肆擾命長出糧募衆築寨製造器械以爲守禦鄰村之避難者多資其飲食至今猶感戴之

劉祥麟字玉書邑庠生孝友性成見義勇爲遇有爭訟

甯津縣志

卷八

人物志上 義行

三

排難解紛保全者衆人有過失則面責之人有一善津津不置口事涉財利不與人較多受賂累怡然處之人無貴賤一接以誠雖橫逆忽加未見有忿戾之容讀書以程朱爲宗於近思錄性理小學等書熟讀有得時取前輩格言有裨身心者錄置座右以資鏡鑑

李庚長字子耆好學尙義不求仕進里中窮困者傭地以耕負租不責其償或以事來稱貸必審所業近義乃助以資否則規以正言有代司會計者假他人名書贖券賺貲中飽並收數家所償積債歸私橐後察

知悉還其券而善遣之嘗畜一婢供任使稍長頗以役爲恥慨然呼其母引之去一生仁厚類如此子鑫樂善好施克承先志中東之役報効餉銀二仟兩蒙直隸督憲王奏請奉旨賞給急公好義四字准其自行建坊

劉墨林性至孝四歲失怙曾王母王母及母三世皆孀守承歡養志人無間言生平樂施予族人劉某十二歲父母俱亡貧無依墨林資養之代爲經理俾立家室又孀婦李氏酷貧無子爲之立嗣助以資財卒成其志光緒初歲饑施錢數百緡以救流亡墨林病篤且囑其子喪葬從儉省資財以濟貧者其存心概可見矣

李俊字秀儒候選州同少時家漸落嘗販絲至山東周村鬻以市布行店誤以綢予之比至家展視非布也乃悉數送還仍易以布由是信義著聞子之美年十入入武庠代父貿易赴亳州適有客攜紗與夏布爲雨浸溼人皆不予值廉價求售乃盡購之及歸開視一如新出諸筭竟無溼痕後以紗葛短絀獲利三倍一時稱爲信義之報

李師正字吉人好善樂施有稱貸不能償者卽焚其券

道光元年村東商家橋久圯捐三百餘金以倡修築子五長保庶亦好施常出粟以濟貧困咸豐六年救荒籌賑授九品職銜三子四子俱庠生五子增生爲邑名士孫舉武鄉試累世功名不絕

呂元勳字殿臣報捐千總樂善好施村人貧不能殮者施以棺行人無路費者施以財族中有貧乏舉家外出者施宅一所田數畝以收養之一日路經交河見道旁數人循樹而走甚有難色詢其故衆告以兄弟爭此樹將成訟矣因問此樹價值幾何衆議其價卽從車中出十數金曰一得樹一得錢可乎衆人且喜

且驚元勳登車而去其輕財好義類如此

李慧長字澹軒捐授府同知天性純篤事母孝事兄弟處鄉黨以忠厚教子孫有義方鄰里有爭訟者力爲排解凡有勾請力所能者無不允光緒二年歲大饑乃輸粟以救鄉人每戶皆有分給路有凍餒雖解衣推食不惜也厥後土匪擾境附近諸村團練保甲親董其事力爲整頓賴之以安以故鄉人皆重其爲人

凡有公舉皆就商焉

墓誌節略

王墨林字玉條太學生習舉子業屢躋秋闈遂無進取志慷慨好施鄉人貧不能葬者施以棺木生子貧不

能養者給以米錢每屆冬日常施米粥綿衣某甲落魄假以貲財使謀生理不償亦弗問道光辛丑邑大水指困濟貧多所全活咸豐甲寅髮逆踞連鎮赴營助餉人皆謂其急公好義云

謝文林字殿選六品銜性慈善好施予常急人之急鄰村有爭地起釁者力爲解弗聽迺自出地數畝與之遂息其訟傭工某貧極鬻妻給錢贖歸得全室家生一子咸豐甲寅髮逆踞連鎮僧親王檄飭甯津積穀充餉該管吏匱歉誤公代爲籌得免責至於族中窮乏者時時周恤之子弟無恆產者延塾師教之讀人

甯津縣志

卷八

人物志上

義行

四

咸感其德焉

文學

明

王坪字國瑞簡之曾孫錦之子嘉靖十二年以歲貢授陝西都司都事少孤鮮師承動以古人為法而孝行尤篤讀書不泥章句詩文模倣漢唐為諸生時大有聲譽累舉數奇洎入選復得散秩抵任甫三月慨然興歎曰虛糜無補吾弗安之矣遂棄官歸家居砥礪行節娛田園訓子孫適意輒吟詠所著有西遊隨筆覽涉雜興瑯琊樂府小集行於世

舊志

國朝

甯津縣志

卷八

人物志上

文學

單一

蘇騰鳳字爰止順治四年進士授陝西石泉知縣蒞任數日即告歸構精廬一區讀書其中博覽羣籍善為詩暇則邀知己尊酒論文終身不入城市卒祀鄉賢

通志引雍正舊志

王宣猷字甸甸乾隆初歲貢生自幼癖於學老而彌篤不介意家計惟日親簡編性方嚴而文甚穎異書法得歐陽公意又善為古歌行蹟於棘闈力學不懈年八十餘猶手不釋卷著有蜚轉集文稿海珊詩稿

採訪

冊下同

侯景班字振遠乾隆丁酉舉人父紳行動鄉里景班亦

有父風性好學博通載籍爲紀文達公高第弟子從遊京師時深相期許後僅任遵化縣教諭而教育人材就正者戶外屢滿

張瑞字祥圃幼穎悟好學家貧恆難舉火冬日讀書編蒲爲囿納敗絮其中而授足焉嘗終夜不倦至遺忘處輒然香以燭之乾隆己酉登賢書屢赴春闈不第益篤實學家居不仕日以啟迪後學爲己任深於古文詞著有我知集存稿其從弟理幼共硯席後兄舉於鄉暮年授遵化州訓導誨人不倦士林咸稱之

苑體會字祚長儀容端凝胸襟灑脫文法金方書師王

甯津縣志

卷八

人物志上 文學

聖一

褚乾隆己酉科選貢成均署四川眉州州判升新津知縣所至以振興文學爲先著有家塾讀書日記二卷宦遊詩草四卷孫秉謙質性純厚酷嗜經史登道光丁酉賢書大挑二等歷署磁州開州教諭正定府教授任滿城訓導著有訓子義方綠陰山房詩稿

楊省吾字景參號魯泉道光甲午舉人性情和平品行方正居家以孝友稱其處鄉里有長厚之譽文體雅正而又優於詩歌著有津門竹枝詞行於世歷署大名訓導雞澤教諭後又司諭安平共以經師人師相欽仰之

苑思順字煥初歲貢生清介自持言語不苟不輕與人
交不喜言人過惡事父母以孝聞尤篤於友愛讀書
寒暑無間躋鄉舉以舌耕爲業訓迪諄切資以成名
者眾著有二論析講四書叙典松菊齋文稿若干卷

墓志
節略

周涖字以莊自幼勤誦讀於先儒性理之書頗有心得
中道光庚子舉人咸豐癸丑大挑一等籤撤江西以
親老告近改補河南時髮捻諸匪燄方張汴城戒嚴
撫憲委查宋門柵欄涖晝夜巡緝無稍疏虞又委赴
汝陽等縣調查冊串涖逐細查核據實稟覆上憲嘉

甯津縣志

卷八

人物志上 文學

四三

其認真將委署縣缺旋以憂歸服闋仍赴江西未至
省而卒涖文宗半山詩法子美著有勉學齋詩文稿

採訪冊
下同

王志摩字又徐家寒素弱冠卽授生徒然性純篤教學
兼盡道光庚子舉於鄉爲學益孜孜不倦至暮年猶
樂操觚爲文深於理境不尙新奇而淡泊之中耐人
尋繹所批四書彙萃眾說一生苦心畢見於是焉

詹錦堂字曉齋爲文雄渾有俯視一切氣象捷南宮後
愿署雲南宜良習峩知縣以性質直忤上官改保定
府教授與諸生論文皆合力追先正惜著作散佚不

復成帙讀其殘編猶想見大概且精數學於吉凶消長之理極有體會凡有所論時時奇中蓋得於理學者深也

楊秉哲字頴濬歲貢生經術湛深註解周禮獨具卓識他經亦皆有批評早歲入泮屢爲學使賞識謂爲金華殿中人乃以數奇秋闈屢躋然行事方正足爲世表文章主明道而藻采正自葩流課讀之暇尤以敦行相勛故藉以成器者甚多

墓碑節略

杜墨林字西園善屬文筆力崛強年五十始成進士以知縣用不就家漸落以教授生徒自給士有貧者必

甯津縣志

卷八

人物志上 文學

四

不受其脩脯著有知命錄二卷又賞欣集四卷與門人張若路張若虛合稿授天津府教授竟卒

採訪冊下同

高澤字惠普行誼端正才不敏而專篤過人當讀書時他事皆不聞見於經史子集頗能淹貫所批四書尤闢程朱之蘊處世緘默似不能言而爲及門反復批導能使深者見深淺者見淺皆可心領而神會一時士之成名者多出於門下云

李諤字慎庵號柳東別號守拙子才英敏試輒冠軍蚤歲食廩餼入闈十九次屢薦不售由歲貢生選寶坻訓導年八十卒於任著有柳東課草一株松軒詩藁

四書補義易經參解詩經參解

龐際咸字濬卿咸豐元年舉人性遲鈍銳於學年五十餘猶誦讀不輟供職京師公餘以披覽爲事書法冠時踵門求書者日不暇給其所著作與父君錫弟際雲有合稿行世官至戶部員外郎

王嵐字曉亭 恩貢生天姿明敏英年卽有聲譽序不得志於鄉闈士論惜之其成就後學以敦品行爲先務以通經史爲根柢所作文藝有先正典型焉

劉長庚字續昶歲貢生材質魯鈍精力過人勤學好問具見苦心孤詣性情端嚴危坐終日無倦容訓及門

甯津縣志

卷八

人物志上

文學

墨

不少寬假而善發難發之覆著有萬青精舍錄

崔庚午字南金幼穎異入學後博涉經史所作詩文成帙門人請付梓謝曰余作此爲課生徒耳何敢問世由恩貢生選甯河訓導未抵任卒於家

周濬字距川資稟靈敏七八歲卽能詩年十三入郡庠學使卽以翰院期之爲文詞華典麗波瀾壯潤每出一作競相傳寫著有梅花書屋詩賦草又與南邑劉侍郎有銘堂兄孝廉涖孝廉潤族兄歲貢阿泰結吟社作秋吟百首行世咸豐己未擢解首同治壬戌列會魁入詞垣旋授刑部主事卒年四十有八

隱逸

明

田鸞甯津人正德六年劉六劉七盜起引眾攻甯津縣令劉秉忠嬰城謀守勢且不敵鸞爲畫計賊遂去而城免於陷事定令宴鸞於學宮具金爲壽且將聞之於上鸞卻金固辭退耕於野終其身

府志

國朝

苑本曾字蘭孫號蔭亭弱冠遊泮旋食廩餼更肆力於學博極羣書嘉慶辛酉選貢成均授教諭選蘭州不就職閒居里閭與昆季後生輩研究經義嘗曰讀書

甯津縣志

卷八

人物志上

隱逸

四六

非爲功名惟期明理義淑身心成爲完人而已著有唐詩源流論竹溪山房文稿竹溪山房詩存手抄經書若干卷裝訂成帙年八十二歲無疾服公服端坐進子姪孫曾而徧訓之素有不率教者以掌責之須臾遂卒

方伎

北朝

吳遵世字季緒渤海人也

南皮志作勃海臨津人

少學易入恆山

見老翁授以開心符使吞之遂明占卜後游京洛孝

武帝將卽位使筮之遇否之萃曰先否後喜帝曰喜

在何時遵世曰於象爲剛決柔其春末夏初乎又筮

遇明夷之賁曰初登于天後入于地若能敬始慎終

不失法度庶無憂乎竟皆如其言齊文襄王拔爲大

將軍府墨曹參軍皇建中武成以丞相守鄴頻遭疑

謗內懷憂懼謀起兵屢令遵世筮遵世言不勞起兵

甯津縣志

卷八

人物志上

方伎

七

自有大慶事遂寢及趙郡王等奉太后令以遺詔徵

武成武成令更筮之遵世言比已占十餘卦必有天

下願勿疑及卽位除中書舍人以老疾辭授中散大

夫著易林雜占百餘卷後預尉遲迴事死焉

北齊書參北史

宋

劉翰滄州臨津人世習醫初爲護國軍節度巡官周顯

德初詣闕獻經用方書三十卷論候十卷今體治世

集二十卷世宗嘉之命爲翰林醫官其書付史館再

加衛尉寺主簿太祖北征命翰從行建隆初加朝散

大夫鴻臚寺丞乾德初令太常寺考較翰林醫官藝

術以翰為優絀不精者二十六人開寶五年太宗在藩邸有疾命翰與馬志視之既愈轉尚藥奉御賜銀器緡錢鞍勒馬嘗被詔與道士馬志醫官翟煦張素吳復珪王光祐陳昭遇同定唐本草凡神農本經三百六十種名醫錄一百八十二種唐本先附一百一十四種有名無用一百九十四種參以新附一百三十三種既成詔翰林學士中書舍人李昉戶部員外郎知制誥王祐左司員外郎知制誥扈蒙詳覆畢上之廣頌天下加檢校工部員外郎太平興國四年命為翰林醫官使再加檢校戶部郎中雍熙二年滑州

甯津縣志

卷八

人物志上 方伎

吳

明

劉遇疾詔翰馳視翰還言遇必瘳既而即死降和州團練副使端拱初起為尚藥奉御淳化元年復為醫官使卒年七十二

宋史本傳略

張紳字希賢甯津人正統間以世業入為天文生從太監某占攻守有奇驗後隨總兵官石亨征延綏再隨柳溥征甘涼多異績歷擢監副乞休掌監事章軒言紳善察璣衡命紳教習修改渾儀在任致仕留以待

就問焉

府志

四朝

張明賢字眾超乾隆時庠生好學不倦晚年耽於醫施藥餌活人無算尤善導引之術年屆期頤猶若童顏壽至一百三歲無疾而終

採訪冊下同

苑韻古字際唐太學生工草書初法蘭亭懷素後專法十七帖其用筆用意直入古人之室

李憲字聖時優廩生好學能文不欲進取日以作字自娛書師董趙能窺其堂與邑侯陳華祝以善書名極欽佩之而家居負郭未嘗出入公門士人高其行焉苑緒曾字佩宣從九品畫師小米暮年時以指墨寫意王廷杰善岐黃術鍼砭尤精時時施藥濟人道光十年

甯津縣志

卷八

人物志上 方伎

吳

邑侯朱一瓊旌其門

牛履祥字吉符布政司理問精醫術著手成春歿後本邑暨鄰邑諸鉅公爲詩勒石以誌其技之奇焉

牛起字邁倫畫善寫意得力於米襄陽嘗磨墨數斗置几案間酣醉後信筆揮灑超妙絕倫

崔化南字紹伯太常寺先農壇執事初習儒術年十八忽學醫人問其故笑而不答施治輒神效郡城于明經屬纊矣化南問其疾狀曰可起也與藥二劑而愈吳邑高公室人有夢熊之喜旣而病甚厯延名醫罔效瀕絕化南診之曰石麟爲祟耳不出三日當愈再

投藥餌脫然高問曰必生男乎化南曰豈惟男且必才賢後果爲吳邑望人其技之神類如此年至七十卒

王沂源名醫晉發子能繼父業病者有得一診視死而無憾之語

周彭年字符籛太學生進士周濬之父好方書精其學素性坦率獨至切脈審方如斷大獄其全活者眾矣李長忠精鍼灸尤善療目疾無力醫治者嘗資以飲食醫之而恤孤濟貧畢生尤如一日

李鈇字珍同例貢生中書科額外中書精天算善堪輿甯津縣志

卷八

人物志上 方伎

五

凡甘石青烏以及醫藥卜筮之書無所不讀畫山水得倪黃法而時參以華亭筆意與南皮張文達公爲畫友晚年見戴文節公畫卷益進愛種菊得種菊子法變成異色者甚多著菊譜一卷載種子法甚詳其他著作尙若干種

徐元瑞庠生才優品端善醫學斷病調方出人意料同邑劉清華署泰安府遭病歎曰若得徐君吾病痊矣未及而沒元瑞少年失怙處兄弟之間天真爛熳雖至暮年怡怡猶若少時卒年七十餘歲

附載

張其蕙寄籍南皮道光己酉舉人咸豐丙辰進士翰林
院庶吉士散館改用知縣歷任陝西盩厔河南蘭儀
知縣署鄭州知州

宋殿章入順天大興籍同治癸酉科武舉

甯津縣志

卷八

人物志上

附載

五



